



Sámi allaskuvla

Sámi University of Applied Sciences

OAHPPOPLÁNA

SÁM 314

JIETNADATOAHPA DUTKAN

10 oahppočuoggá

Dutkan- ja oahppostivra dohkkehan 10.05.2016, áššis 45/16. Rievdadusat dohkkehuvvon mearrádusnotáhta bokte 09.01.17, Public áššenr. 16/00560 ja 02.05.18, Public áššenr. 18/00215.

1. OAHPPOOVTTADAGA NAMMA

Sámegillii: Jietnatoahpa dutkamuš

Dárogillii: Forskning i fonologi

Eaŋgalasgillii: Phonological research

2. OPPALAŠ DIEĐUT OAHPU BIRRA

OAHPPOVTTADAGA KODA: SÁM 314

VIIDODAT: 10 oahppočuoggá/ studiepoeng/ ECTS credits

OAHPU LÁGIDEAPMI: Dábálaččat luohkkálatnja- dahje neahttaoahpahussan

3. OAHPPOPROGRÁMMA GULLEVAŠVUOHTA

Gursa gullá Sámegeiela ja sámi girjjálašvuoda masterprográmma fága- dahje váljagurssaide.

4. SISABEASSANGÁIBÁDUSAT

Sisabeassangáibádussan leat Sámegeiela ja sámi girjjálašvuoda masterprográmma oppalaš sisabeassangáibádusat mat leat čilgejuvvon oahppoprográmmaplánas.

5. OAHPAHUSGIELLA

Davvisámegiella lea váldooahpahusgiellan. Eará sámegielat ja suoma-, ruota-, dáro- ja eaŋgalsgiella sáhttet adnojuvvot omd. guosselogaldallamiin.

6 SISDOALLU

Kursa čiekŋu davvisámegiela jietnatoahpa dutkamii. Kursa addá vuđolaš gova davvisámegiela fonologalaš ráhkadusas, suopmaniid jietnatoahpalaš vuogádagain, ja jietnatoahpa guovddáš doahpágiid, govvidanvugiin ja teorijain. Studeanttat maid ohppet heivehit dáid dieđuid hállojuvvon davvisámegiela fonologalaš analyseremis, ja transkriberet hállojuvvon giela fonologalaččat riehta sihke jietnadagaid kvalitehta ja kvantitehta dáfus.

7 OAHPPANJOKSOSAT

Oahpu maŋŋá studeanta lea olahan dáid oahppanjoksosiid:

Máhttu ja diehtu:

Studeanta

- dovdá guovddáš jietnatoahpalaš teorijaid, doahpágiid ja govvidanvugiid
- dovdá davvisámegiela suopmaniid jietnatoahpa iešvuodaid čiekŋalit

- hálddaša sihke UPA ja IPA fonehtalaš čállinvuogádagaid
- diehtá, mo hállojuvvon giela sáhtta fonemahtalaččat analyseret

Gálggat:

Studeanta

- máhtta transkriberet hállojuvvon davvisámegiela fonologalaččat
- máhtta analyseret ovttaskas sámezielhállu dahje sámezielsuopmana fonologalaš vuogádaga
- máhtta heivehit fonologijja teoriijaid ja doahpágiid davvisámegiela guorahallamii
- máhtta hábmet jietnadatoahpalaš dutkančuolmmaid ja čoavdit daid materiála čoaggima ja analyserema bokte

Oppalaš gelbbolašvuohta:

Studeanta lea

- oahppan fonologijja guovddáš teoriijaid, doahpágiid ja merkenvugiid
- oahppan analyseret hállojuvvon giela fonologalaččat ja čoavdit fonologalaš dutkančuolmmaid
- ožžon vuđolaš áddejumi davvisámegiela suopmaniid fonologijjas

8 OAHPAHAN- JA OAHPPANVUOGIT

Logaldallamat, hárjehusat, seminárat, iehčanas guorahallan- ja čállinbargu.

9 GÁIBÁDUSAT BEASSAT EKSÁMENII

Kurssas leat guokte geatnegahttojuvvon barggu, mat galget guđđojuvvot sisa čálalaš hámis:

- 1) Fonologalaš transkripšuvdna ja suopmanalyisa. — Studeanta juogo ieš rádjá dahje viežžá soames heivvolaš gáldus unnimustá viđa minuhta guhkkosaš davvisámegiela jietnamateriála, mas okta olmmoš hállá. Son galgá transkriberet dán materiála fonologalaččat ja lassin čállit 3–5 s. čilgehusa fonologalaš suopmaniešvuođain, mat bohtet materiálas ovdan.
- 2) Fonologalaš guorahallan. — Studeanta vällje ovttas fágaoahpaheaddjiin dutkangažaldaga, mii laktása juogo su iežas dahje soames eará ovttaskas hálli fonologalaš vuogádahkii. Son galgá čoaggit materiála dán čuolmma guorahallama várás ja analyseret dan. Guorahallama bohtosat buktojit ovdan njálmmálaš ovdasáhkkan, mas geavahuvvo visuála veahkkegaskoapmi (omd. Powerpoint-čájáhus). Ovdasága guhkkodat lea 30 minuhta, mas 10 minuhta leat várrejuvvon kommeanttaide ja ságastallamii. Ovdasága vuodul studeanta ráhkada maiddái čállosa, man guhkkodat lea 3–5 s.

Guktot barggut galget leat guđđojuvvot sisa girjjálaš hámis unnimustá guokte vahku ovdal eksámena. Fágaoahpaheaddji ferte leat dohkkehan bargguid, vai studeanta sáhtta oassálastit eksámenii

10 EKSÁMEN

Guovtteoasat eksámen, masa gullet čálalaš barggut ja njálmmálaš oassi. Čálalaš oasi gokčēt sisa guđđojuvvon guokte barggu (gč. 9: *Gáibádusat beassat eksámenii*). Njálmmálaš eksámen bistá 40 minuhta.

Árvvoštallan: Árvosátni A–F. Árvvoštallan vuodđuduvvá njálmmálaš eksámenii (50%) ja sisa guđđojuvvon čálalaš bargguide (50%). Guktot čálalaš barggut deattuhuvvojit seamma olu.

11 PRIVATISTTAID VEJOLAŠVUOHTA VÁLDIT GURSSA

Privatisttat eai sáhte váldit dán gurssa, dasgo oahppan gáibida dan, ahte studeanta searvá oahpahussii. Geahča muđui U/A lága § 3-8 (2).

12 KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinnjuolggadusaide, ja makkár vejolašvuodát/geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraortta vuodul.

13 LOHKANMEARRI

Odden, David 2013. *Introducing Phonology*. 2nd edition. Cambridge University Press. 338 s.

Sammallahti, Pekka. *Jietnadataoahpa vuodđokursa*. Giehtačáluš, 217 s.